

P. 573, L. -6【未曾彰灼開顯】《法華經科拾》卷5：「上文但云得菩提已，化令發心，以未言在無數劫前；或謂此是利根大乘，故得一生超證。今頌忽云從無數劫來，法會不能不因此答，轉更生疑。」(X33,p.403,b2-4)參考 p. 571：-3。

P. 573, L. -5【頌答來處】《法華經大成》卷7：「當知下，頌答師弟。依止下，頌答處所。志念下，頌歎德。金石之心，遇難益精，曰堅固。念茲在茲，克果是期，曰勤求。此自利也。說種下，利他。應機說法，縱橫不一，曰種種。依言釋意，皆契玄機，曰妙法。風雲之辯，應物無私，曰無畏。二利之德，悲智相導，漚和般若，其在斯乎。」(X32,p.495,c11-16)《法華經授手》卷7：「前問處節節言誰，此答處歷歷言我。方見問答有據也。阿逸下，頌答所習之道、所事之師。捨大眾憤闌，即是不親近國王大臣及沙彌等。不樂多所說，即不近外道婆羅門等。如是諸子，雖樂寂靜似乎小乘，而又精進修習佛道，晝夜不怠。為求下三句，頌所住之處。志念下四句，頌上求下化。一一與長行前後互知。」(X32,p.762,b23-c5)

P. 574, L. 3【伽耶城】梵名 Gayā，古代中印度摩揭陀國的都城，即今孟加拉巴特那市 (Patna) 西南九十六公里處的伽耶市。為與佛陀伽耶區別，又稱婆羅門伽耶。其附近頗多佛教遺蹟，東面有尼連禪河，西南有伽耶山 (象頭山)，南面有佛陀成道處佛陀伽耶。北面山丘上留存有古代佛教遺蹟的巖窟，內有阿育王時代的刻銘。鄰近處為戒賢、德慧二論師所住伽藍的遺址。此外，依《經集》〈小品針毛經〉所述，佛陀曾至此說法。東晉·法顯遊此地時，城內已告空虛荒涼；唐·玄奘《大唐西域記》卷八記此地云：「城甚險固，少居人，唯婆羅門有千餘家。」今伽耶市分成新舊二市，新市建築多為英國統治時代所建，居民以歐洲人為主。舊市有印度教寺院，前往巡禮之信徒頗多。該寺原為佛教寺院，其後為印度教所取代。～《中華佛教百科全書》

P. 574, L. 6【開近而顯遠】《法華經授手》卷7：「知音謂。長行云我於娑婆成菩提，況娑婆一大千量，佛以徧法界身，化地涌眾，似無可礙，故頌以伽耶等言。據迹之人，但見伽耶一會，豈能化其多眾？今言是我教化發心，以至當來成佛，實所難信。此彌勒等有父少子老之疑也。我從久遠來兩句，為後說壽量伏案。既云伽耶得道教化，而又言久遠教化，使人知此久眾即是新化，則彌勒等益難信也。非談法身壽量，人惡乎能知。」(X32,p.762,c7-14)

P. 574, L. -6【心生疑惑】《法華經授手》卷7：「此執迹而疑本，以為顯本之

肇端也。少時間，舉世尊於現生成道未久，其所化如是之多，而且人人福慧具足，由此生疑不信，故作念請決也。」(X32,p.762,c17-19)

《妙法蓮華經文句》卷9〈釋從地踊出品〉：「聞上『菩提樹下乃教化之今皆住不退』，又聞『我從久遠來教化是等眾』，聞此二說，動執生疑。『白佛』下，騰疑更請，又二：一、法，二、譬。法說為三：初『即白佛』下，一、疑成道近，所化甚多，**執近而疑遠也**；次『世尊此大菩薩』下，第二，所化既多，行位深妙，**執遠而疑近也**；次『世尊如此之事』下，第三，結請。」(T34,p.126,b29-c7)

《法華經授手》卷7：「直指云。此出疑情有三：一滯於化迹，而晦三世平等。二滯於一會化機，而晦於恒沙性具。三滯於有修有證，而晦無修證理。故疑詞先舉為太子時，二居伽耶不遠，三明成道不久。此皆眾所共知，云何少時作此大事。次下返釋云：莫非是佛勢力、是佛功德，乃能如是耶。」(X32,p.763,a2-7)

P. 575, L. 1【四十餘年】《法華經授手》卷7：「四十年者。說法頌云：阿含十二方等八，二十二年般若談。法華在般若後說，故云四十餘年。」(X32,p.762,c24-p.763,a2)

P. 575, L. -6【世所難信】《法華文句記》卷9〈釋踊出品〉：「執遠疑近者，問：彌勒既不知其數、不識一人，云何得知久植善根？答：祇由不知不識，并由佛歎住處、德業，既多又深，豈近成佛之所化耶？結請中，《經》但舉難信者，託物不信，拒而擊佛，令必有答。」(T34,p.327,a20-24)

P. 575, L. -4【立譬】《妙法蓮華經文句》卷9〈釋從地踊出品〉：「色美髮黑，譬上成道近意也；「指百歲人」去，譬上所化甚多意也。淮北諸師以譬釋譬，父服還年藥，貌同二十五；子不服藥，形如百歲。若知藥力，不疑子父，不知者怪之。如來橫服垂迹之藥，示伽耶始生；諸菩薩直論本地，久發道心，今住不退。若佛及佛，快知此事，自下不達，不得不疑。「是事難信」下，結譬也。」(T34,p.126,c7-14)《法華文句記》卷9〈釋踊出品〉：「「色美」等者，以色等為喻者，總在年少為言耳。「指百歲」等者，先略合譬，次敘。「淮北諸師用譬釋譬」者，先釋譬，次合。釋譬言「子不服藥」者，且據不現劣應之身而云「不服」，仍以勝表本，故云「百歲」。既云「若佛及佛」，則顯彌勒不知。次「如來」下，今合譬…。言「如來橫服垂應藥」者，智契深理，由豎服於真諦之藥；

處處益物，乃由橫服垂應之藥。真諦藥者，假即空故、權即實故、自行冥故；垂應藥者，空即假故、實即權故、化他起故。如是初心，由橫豎不二之妙藥也。此之三藥，無前無後，真諦藥者，以治病故；垂應藥者，以還年故；不二藥者，以延壽故。以還年故，雖老而少，現不二身，故云「本地」。」(T34,p.327,a24-b9)

《法華經授手》卷7：「直指云：譬如有人，喻佛。色美髮黑，喻迹門應身。年二十五，喻太子出家得道，僅四十餘年，所謂於少時間。此以近迹疑遠。指百歲人為子，喻地涌菩薩。皆久修德業，終非今日新成之佛所化。百歲人指年少為父，喻諸菩薩詣空禮讚，是以遠本疑近也。況父子之義，本自相當，而父子之年，何獨相反，故曰是事難信。但此中執定迹門化身為主，而疑本門大用非伴。初則以迹疑本，不期因本破迹，此皆是善巧方便之問也。惟此主伴相返以為正意，其餘不必謬配。」(X32,p.763,a14-24)

P. 576, L. 7【大眾諸菩薩等】《法華經授手》卷7：「此中不出十度。無量劫為佛道，即智度。勤行精進，即進度。善入出住，即禪度。無量三昧，即慧度。得大神通，即願度。久修梵行，即戒度。修諸善法，即施度。巧問答，即方便度。人中寶，即力度。甚為希有，即忍度。以忍居後，合住柔和忍地。今日世尊下，合百歲人指年少為父。」(X32,p.763,b4-9)

《妙法蓮華經文句》卷9〈釋從地踊出品〉：「觀此菩薩久種善根，非止伽耶發心。「善入出住」者，**九次第定**是善入，**師子奮迅**是善出，**超越**是善住，**藏通**意也；從初地至十地名善入，十地入**重玄門**，倒修凡夫事名善出，妙覺遍滿名善住，**別**意也；**畢法性三昧**名善入，**首楞嚴**名善出，**王三昧**名善住，**圓**意也。次第習諸善法，據因為善習，就果為善入(云云)。「善答難問」者，具二莊嚴也。七方便之尊，故云「寶」也。」(T34,p.126,c16-24)《法華文句記》卷9〈釋踊出品〉：「**九次第定**是善入者，從禪至禪，無間入故。「**奮迅**是善出」者，從禪至禪，皆經散心，以散名「出」。「**超越**是善住」者，雖經起散，住禪宛然。「**畢法性**為善入」者，「畢」者窮也，窮法性故。「**首楞嚴**」者，能現威儀故。「**王三昧**」者，如王安國故。此中約教。藏通同者，所證同故。「據因為善習」等者，自淺階深，故云「次第」。言「云云」者，善出善住，皆應從果立名，因皆善習，如向分別。此中不論本迹者，既是本中弟子，未須論迹。」(T34,p.327,b9-18)

【超越三昧】能超越上下諸地而自在入出的三昧。於諸法門中能自在入出，故也稱為自在定。散心之人的禪定深淺次第為四禪、四無色、滅盡定，出

入禪定時皆須順此次第。即其必先入初禪定，順次入第四禪，後入四無色之初定等，出定時則逆此次第而出，此為聲聞人之法。然佛及深位菩薩，不必依此次第出入，而可由散心直接超入滅盡定，稱為超入三昧，亦可由滅盡定直接超出散心，稱為超出三昧。上述超入、超出三昧之法，稱為超越三昧。《次第禪門》卷十廣解「超越」之義，謂超越三昧有「不具足超」與「具足超」兩種。不具足超，指聲聞僅能超越中間一地，不能自在地遠超；具足超，指菩薩可隨意由初禪直接超入滅受想定。

【入重玄門】菩薩在成佛之前，於等覺位再度重返人間修習自凡夫以來所作之事，使其一一契合真理（即成就玄妙），此謂入重玄門、倒修凡事。天台家認為，別教菩薩於等覺位難以斷除元品無明，故成為凡夫，與一切眾生相交而入重玄門，以此行力斷除元品之無明（教道之重玄）；圓教菩薩則普遍現身於世界而入重玄門（證道之重玄）。

【畢法性三昧】百八三昧之一。又作法界決定三昧。諸法體性，無量無二，難可執持。菩薩入此三昧，則能決定知諸法性，而得定相；猶如虛空無能住者，得神足力，則能處之。

【首楞嚴三昧】堅固攝持諸法之三昧。為百八三昧之一，乃諸佛及十地之菩薩所得之禪定。大智度論卷 47：「首楞嚴三昧者，秦言健相。分別知諸三昧行相多少深淺，如大將知諸兵力多少。復次，菩薩得是三昧，諸煩惱魔及魔人無能壞者，譬如轉輪聖王主兵寶將，所往至處，無不降伏。」據首楞嚴三昧經卷上載，首楞嚴三昧非初地乃至九地之菩薩所能得，唯有十地之菩薩能得此三昧。所謂首楞嚴三昧，即修治心猶如虛空，觀察現在眾生之諸心，分別眾生諸根之利鈍，決定了知眾生之因果等一百項。此三昧不以一事一緣一義可知，一切禪定解脫三昧，神通如意無礙智慧，皆攝在首楞嚴中，譬如陂泉江河諸流皆入大海。

【王三昧】三昧之王。即在諸三昧中，其力用利益等最優勝者。或稱三昧王、三昧王三昧。《大品般若經》以佛所入之定為「三昧王三昧」。據《大智度論》卷七所述，此三昧於諸三昧中，最為自在，能緣無量諸法，如人中之王。又此三昧王三昧，一切諸三昧皆入其中，故名三昧王三昧。譬如閻浮提眾川萬流皆入大海，亦如一切人民皆屬國王。～《中華佛教百科全書》、《佛光大辭典》